



INFO CBBiH



U ovom broju:

ČESTITKA GUVERNERA CBBIH
ZA 21. GODIŠNJCU OSNIVANJA
CBBiH

CBBiH ORGANIZOVALA BRIFING
ZA NOVINARE O ULOZI I
IZAZOVIMA ZA CENTRALNE
BANKE U PRISTUPU EU I EURU

U PRVOJ POLOVINI 2018.
GODINE REGISTROVANO MANJE
KRIVOTVORENOG NOVCA



IZVJEŠTAJ O REVIZIJI RAČUNA ZA
SERVISIRANJE VANJSKOG DUGA



Izdavač: Centralna banka Bosne i Hercegovine;
Adresa: Maršala Tita 25, 71000 Sarajevo

Priprema: Služba za odnose sa javnošću

Prevod tekstova na engleski jezik: Služba za odnose sa javnošću

Lektura (jezici bh. naroda i engleski jezik): Služba za publikacije i biblioteku i
Služba za protokol i prevođenje

Web stranica: <http://www.cbbh.ba>
E-mail: pr@cbbh.ba
kontakt telefon: (033) 278 123

ČESTITKA GUVERNERA CBBiH ZA 21. GODIŠNJCU OSNIVANJA CBBiH

Povodom 21. godišnjice osnivanja Centralne banke Bosne i Hercegovine (CBBiH), guverner dr. Senad Softić je u prigodnom obraćanju iznio podatke o najvažnijim stvarima koje su napravljene u periodu od prošle, 20. godišnjice.

Guverner je naveo kako je protekli period obilježilo poslovanje CBBiH, kao i mnogih drugih centralnih banaka, u veoma složenim uslovima na finansijskim tržištima. Ipak, i u takvim uslovima institucija je uspješno ispunila sve zadatke u svojoj nadležnosti, a što je omogućio i maksimalni angažman osoblja, članova Uprave i Upravnog vijeća.

U obraćanju, guverner Softić naveo je da je u septembru 2017. godine CBBiH uspješno organizirala konferenciju međunarodnog karaktera pod nazivom „20 godina stabilnosti“, kojom je obilježena 20 godišnjica uspješnog rada, a na kojoj su prisustvovali visoko rangirani zvaničnici iz BiH, ali posebno iz međunarodnih i evropskih institucija (ECB, WB, IMF, EU...). Takođe, stiglo je i međunarodno priznanje za uspješan rad CBBiH, a u formi nagrade časopisa Capital Finance International za najbolje upravljenje centralnom bankom u centralnoj i istočnoj Evropi.

U sklopu međunarodne saradnje i saradnje sa domaćim institucijama, guverner je istakao da je Upitnik Evropske komisije bio jedan od najznačajnijih i najzahtjevnijih zadataka koji je bio pred CBBiH. Kao nadležna institucija, CBBiH je učetvovala u pripremi odgovora na pitanja u oblasti Ekonomski kriterij i 8 poglavlja Upitnika. Osim toga, CBBiH je i izvještavanjem EU kroz rad na Programu ekonomskih reformi (ERP) dala kontinuiran doprinos procesu EU integracija BiH. Takođe, CBBiH je tokom godine realizovala ili počela više programa međunarodne saradnje sa ciljem jačanja kapaciteta i usklađivanja sa EU standardima centralnog bankarstva. Aktivnosti su bile fokusirane na jačanje analitičko-istraživačke funkcije i ekonometrijskih kapaciteta, unapređenja znanja i funkcije platnih sistema, statistike, upravljanja ljudskim resursima te implementacije integrisanog sistema kvalitete. Osim sa EU i ECB, saradnja je uspostavljena sa Švicarskim programom SECO, njemačkim GIZ-om, Svjetskom bankom, MMF-om te USAID-om kroz program FINRA. Izvršeni su prvi pregledi stanja i urađene analize sistema sveobuhvatnog upravljanja rizicima, finansijske stabilnosti, strateškog komuniciranja s javnošću, poslovnih procesa i organizacije s ciljem uspostavljanja funkcija i unapređenja poslovnih procesa u skladu s najboljim standardima i praksama u svijetu. Projekat se nastavlja i u narednim godinama.

U obraćanju, guverner CBBiH istakao je i kako je u ovom periodu intenzivirana saradnja sa agencijama za bankarstvo putem bankarske koordinacije, sa fokusom na finansijsku stabilnost.

Takođe, naveo je da je u proteklom godinu dana pokrenut i veći broj aktivnosti na unapređenju osnovnih funkcija CBBiH. Tako su u platnim sistemima preduzete aktivnosti koje su uključivale nadogradnju postojeće infrastrukture, dodavanja novih funkcionalnosti i usklađivanja standarda sa preporukama SWIFT-a. U oblasti statistike, CBBiH je aktivno radila na implementaciji više projekata tehničke pomoći u cilju usklađivanja statistike sa EU zahtjevima, te uvođenja nove aplikacije za GFS statistiku. Od ove godine, BiH se

uključila u sistem statističkog izvještavanja e-GDDS prema MMF-u, a gdje je CBBiH bila nosilac aktivnosti. Urađena je i nadogradnja statističkog web portala, čime je poboljšan proces diseminacije podataka. Na polju upravljanja deviznim rezervama, urađena su unapređenja vezano za monitoring i izvještavanje o procesu upravljanja deviznim rezervama, sa posebnim naglaskom na predviđanje budućih tržišnih kretanja. Značajna su unapređenja i u oblasti bankarstva, gdje su donesene smjernice i aktioni plan za upravljanje deviznim rezervama u saradnji sa MMF-om. U oblasti upravljanja rizicima, razvijene su softverske aplikacije s pripadajućim metodologijama, a postojeći model je nadograđen dodatnim funkcionalnostima za obračun mjera kreditnog i tržišnog rizika. U procesu upravljanja gotovinom, napravljen je sveobuhvatni prijedlog mjera u cilju unapređenja upravljanja gotovim novcem u skladu sa strateškim planom CBBiH i regulativom Evropske centralne banke, kao i pripremne radnje za poboljšanje kvaliteta gotovine u opticaju kroz povlačenje starijih serija novčanica iz opticaja. Primjereno je obilježen i jubilej 20 godina puštanja u opticaj KM.

Osim navedenog, guverner Softić pohodio je i veliki broj provedenih aktivnosti usmjerenih i na unapređenje internih procesa i infrastrukture u CBBiH, od kojih se može istaknuti i primjenjivanje obaveznog novog računovodstvenog standarda MSFI 9 od početka 2018. godine.

Guverner je napomenuo da je jako bitno to što su sve ove pomenute aktivnosti realizirane uz obavljanje redovnih poslova, čime je potvrđena posvećenost uposlenika CBBiH kontinuiranom unapređenju procesa u instituciji.

Nakon navođenja podataka o učinjenom u proteklom periodu, guverner CBBiH je istakao da i godina koja slijedi nosi sa sobom značajne izazove i projekte koje CBBiH planira u svrhu osiguranja stabilnosti i daljeg razvoja. Naveo je i da je već dogovoren nastavak saradnje sa međunarodnim i domaćim partnerima kroz projekte tehničke pomoći te veći broj aktivnosti na temu EU integracija. Jačanje vizibiliteta CBBiH biće jedan od primarnih zadataka, a kao jedna od ključnih aktivnosti na tom polju se izdvaja organizacija međunarodne istraživačke konferencije CBBiH u novembru 2018. godine, uz seriju planiranih seminara i istraživačkih radova te aktivnosti na finansijskoj edukaciji građana. Planirane su aktivnosti na daljem definiranju i unapređenju odnosa CBBiH sa ostalim ključnim akterima bh. finansijskog sektora u svrhu očuvanja finansijske stabilnosti u državi.

Tokom godine, u okviru unapređenja platnih sistema, očekuje se završetak aktivnosti na dogradnji registara i puštanje u rad novog ACH SEPA sistema, uz usklađivanje sa sigurnosnim preporukama SWIFT-a. Na polju statistike nastaviće se sa kontinuiranim poboljšanjem kvalitete podataka, a u tom periodu se planira i početak redovne transmisije podataka prema Eurostatu. Na polju upravljanja deviznim rezervama, radiće se na daljem unapređenju metodologije praćenja investicijskoga portfolija CBBiH, unapređenja informatičke podrške tom procesu te će se početi raditi na definisanju srednjoročne strategije upravljanja deviznim rezervama. Planirano je da se u narednom periodu počne sa provođenjem testova na stres ukupnog portfolija deviznih rezervi CBBiH na godišnjem nivou radi utvrđivanja potencijalnih efekata

makroekonomskih i finansijskih šokova, uključujući i ekstremne događaje. U procesu upravljanja gotovim novcem, narednu godinu će obilježiti nabavka nove serije novčanica KM uz povlačenje starijih serija iz opticaja. Osim toga, u planu je i zamjena postojećih trezorskih mašina i priprema novih pravila o distribuciji gotovine u skladu sa strateškim planom CBBiH i važećom regulativom ECB-a.

Na kraju obraćanja, guvner Softić je istakao da će uspjeh najviše zavisiti od doprinosa svakog službenika CBBiH koji će odgovornim i savjesnim radom sigurno pomoći da ova institucija bude efikasna i uspješna i u budućem periodu, te poslovanje uskladi sa najvišim standardima razvijenih centralnih banaka.

CBBiH ORGANIZOVALA BRIFING ZA NOVINARE O ULOZI I IZAZOVIMA ZA CENTRALNE BANKE U PRISTUPU EU I EURU



U okviru FINRA projekta koji Centralna banka Bosne i Hercegovine (CBBiH) realizuje u saradnji s Američkom agencijom za međunarodni razvoj (USAID), u Sarajevu je 9.7.2018. godine organizovan briefing za novinare o ulozi i izazovima za centralne banke u pristupu Evropskoj uniji i euru.

Gosti predavači bili su konsultanti USAID-a Marko Škreb i Velimir Šonje. Marko Škreb je govorio o razvoju centralnog bankarstva općenito, promjeni uloge i ciljeva centralnih banaka nakon globalne krize 2008. godine te budućim izazovima za centralne bankare, posebno u regiji. U prezentaciji, Škreb je istakao da u svijetu ima oko 200 centralnih banaka, među kojima su i one koje su dio supranacionalnih banaka, poput Evropske centralne banke (ECB), Zapadnoafričke monetarne unije, Istočnih Kariba i sl. Neke zemlje imaju centralne banke a nisu nezavisne kao Sjeverni Kipar, Južna Osetija, Somaliland, a druge nezavisne nemaju banke kao Monako, Kiribati ili Palau. Postoji raznolikost centralnih banaka po funkcijama (monetarna politika, regulacija i nadzor banaka, finansijska stabilnost, fiskalni agent za državu, zaštita potrošača), veličini, ugledu i značaju u ekonomiji i sl. Najstarija centralna banka je Švedska centralna banka koja postoji 350 godina.

Osvrćući se na različite periode u historiji centralnih banaka, Škreb je spomenuo kako britanski ekonomista Charles Goodhart razlikuje periode konsenzusa i neizvjesnosti. Postoje tri perioda konsenzusa van kojih su periodi neizvjesnosti: „zlatni standard“ (1873-1914), „fiskalna dominacija“ (1934-1970) i „ciljana inflacija“ (1990-2007). Nakon 2008. godine je period neizvjesnosti, traženja konsenzusa i promjena. Pri tome svaka zemlja i njena centralna banka traži svoj put i optimum u djelovanju u svojoj sredini na osnovu postojećih zakona, propisa i društvenog konsenzusa. Zlatni standard su trebali održavati fiksnu cijenu zlata 35 USD/oz. Nakon krize 1929-1933, dolazi do raspada sistema i napuštanja standarda. Nastupa periodpolitičke kontrole, kada su centralne banke bile podložne vladama koje su određivale kamatne stope i monetarne politike. Posljedica je bila visoka inflacija 60-ih i 70-ih godinaprošlog vijeka, jer su odluke donosile prema političkom ciklusu. Zato počinju promjene u pravcu nezavisnosti centralnih banaka i ciljanoj inflaciji. Banka Engleske osnovana je 1997. godine, a Evropska centralna banka 1998. godine.

Situacija u svijetu centralnog bankarstva se mijenja 2008. godine kada dolazi do velike svjetske krize, a čiji početak je označen propašću investicijske kuće Lehman Brothers, četvrte najveće investicijske banke u SAD, sa 25.000 zaposlenih. Od tada se, između ostalog, mandat centralnih banaka proširuje na finansijsku stabilnost, rasprave o cilju, nezaposlenost kao dodatni cilj, zaštitu potrošača, finansijsku edukaciju itd.

Na kraju prezentacije, Škreb je ukazao i na izazove za centralne banke, posebno na nezavisnost centralne banke kao izazov, jer novi mandati zahtijevaju veću nezavisnost od politike, ali isto tako i rast transparentnosti i odgovornosti. Izazov predstavlja i

finansijska nezavisnost, što nije lako u savremenim uslovima (niske kamatne stope, smanjenje gotovog novca u opticaju, manje kreditiranje države i banaka). Bitno je zapamtiti glavne ciljeve: niska i stabilna inflacija, stabilnost finansijskog sistema i praćenje i prilagođavanje novim trendovima, no imati na umu glavne ciljeve, zaključio je Škreb.

Velimir Šonje se posvetio politikama kursa, prikazao veze između otvorenosti ekonomija i kursa, zatim mogućnosti i ograničenja monetarne politike zavisno od odabira politike kursa s naglaskom na valutne odbore. Posebnu pažnju je posvetio globalnim trendovima kamatnih stopa i tome kako one utiču na vođenje monetarne politike i rezultate centralnih banaka, zavisno od odabira kursnog režima.

Na početku prezentacije, postavljajući pitanja, Šonje istovremeno daje i odgovore. Na pitanje koje su razlike između „velikih priča“ (američki FED, ECB) i nas „malih“, odgovor je da ne funkcionišu sve ekonomije i finansijski sistemi na isti način. Valutni odbor u BiH nije poseban slučaj, jer velika većina malih i otvorenih ekonomija ograničava promjene kursa. Uz to, EU perspektiva to potvrđuje. Na pitanje šta valutni odbor može, a šta ne može ikakva je perspektiva, pojašnjenje je da ne može slobodno kreirati novac u dugom roku i to nosi više koristi nego štete, a paradoks je da se ulaskom u monetarnu uniju spektar instrumenata širi.

Šonje je ukazao na spektar politika (režima) kursa, pa tako plivajući kurs (float) imaju američke Federalne rezerve (FED), ciljanu inflaciju ECB, Poljska, Češka, Rumunija, Srbija, prljavi ili kontrolisani plivajući kurs (dirty float) ima Hrvatska, fiksni kurs Danska, Litvanija, Latvija (prije uvođenja eura), valutni odbor imaju BiH, Estonija (prije uvođenja eura), Bugarska i Hon Kong. Nakon što je naveo pozitivne i negativne strane valutnog odbora, pa i u BiH, Šonje je prezentaciju završio zaključkom o potrebi očuvanja valutnog odbora u BiH istakavši da je put unazad put u nestabilnost (Argentina je napustila valutni odbor 2002. godine), da je moguća evropska perspektiva s valutnim odborom, te da BiH „uvodi“ evropske kamatne stope koje ne odstupaju bitno od stopa u drugim zemljama Nove Europe.

U odgovoru kako odgovarati na buduće krize, Šonje kaže: „Populisti nude čarobna rješenja, ali kad sjednu u fotelje koje znače odgovornost, ‘mijenjaju ploču’“. Dodaje da je potrebno graditi vlastita iskustva – pad valute je krajnje rizičan odgovor na krizu u maloj i otvorenoj ekonomiji (nepopravlja se ono što nije slomljeno), jednu veliku krizu BiH je prošla bez troškova za porezne obveznike (student koji je položio ispit ide dalje). Odgovor je u onome što se izlizano zove reforme, a to je izvan domena monetarne politike – konkurentnost, dobre politike, odgovrna fiskalna politika, napredak institucija, integracija i saradnja s međunarodnim finansijskim institucijama.


Tema brifinga je, sudeći prema diskusiji koja se razvila bila izuzetno interesantna predstavnicima medija koji su prisustvovali, budući da se dosta pisalo i govorilo o valutnom odboru u kontekstu evropskih integracija.

Kolege novinari su se pohvalno izrazili o organizovanju brifinga od strane CBBiH, istakavši da su poželjni ovakvi skupovi s razmjenom mišljenja novinara i bankarskih stručnjaka, predloživši istovremeno teme za naredna druženja kojih ima višeobavezna rezerva banaka, mogućnosti centralnih banaka u slučaju kriznih situacija, testovi na stres banaka i slično.

U PRVOJ POLOVINI 2018. GODINE REGISTROVANO MANJE KRIVOTVORENOG NOVCA

Prema podacima Službe za vještacanje novca, plan, analizu i izvještavanje u Odjeljenju trezora u Centralnoj banci Bosne i Hercegovine (CBBiH), u prvoj polovini 2018. godine registrovano je ukupno 1.238 komada krivotvorenih novčanica i kovanog novca svih valuta i apoena.

To je za 25,2% manje u odnosu na isti period prošle godine, a za 29,94% manje u odnosu na drugu polovicu prošle godine.



Kad je riječ o krivotvorenim novčanicama konvertibilne marke, u posmatranom razdoblju registrovano je 335 krivotvorina, što je za 9,7% manje u odnosu na isti period prošle godine, i za 1,18% manje u odnosu na drugu polovicu prošle godine.

Što se tiče apoenske strukture, najviše krivotvorina je bilo u apoenu od 100 KM (114 ili 34,03%), zatim od 20 KM (103 ili 30,75%), te u apoenu od 50 KM (93 ili 27,76%).

U prethodnih šest mjeseci registrovano je 778 komada krivotvorenog kovanog novca konvertibilne marke, što je za 31,27% manje u odnosu na isti period prošle godine, i za 38,3% manje u odnosu na drugu polovicu prošle godine.

Najviše registrovanih krivotvorina kovanog novca bilo je u apoenu od 1 KM (724 komada ili 93,06%), zatim 5 KM (46 komada ili 5,91%), a najmanje u apoenu od 2 KM (8 komada ili 1,03%).

Kod novčanica eura, u posmatranom periodu registrovano je 107 komada krivotvorenih novčanica eura. To je za 18,32% manje u odnosu na isti period prošle godine, i za 16,41% manje u odnosu na drugu polovicu prošle godine.

Kod registrovanih krivotvorenih novčanica eura, najzastupljeniji je apoen od 50 EUR sa 45 komada ili 42,06%, a zatim apoen od 200 EUR (23 komada ili 21,5%).

U pogledu novčanica ostalih valuta, u prvih šest mjeseci 2018. godine registrovano je 18 krivotvorina u ostalim valutama. Od toga je bilo devet krivotvorina američkih dolara (jedna u apoenu od 20 USD, dvije u apoenu od 50 USD i šest u apoenu od 100 USD), sedam u apoenu od 20 britanskih funti i dvije u apoenu od 200 turskih lira.

NA WEB STRANICI CBBIH USPOSTAVLJENA NSDP ZA UNAPRIJEĐENU DISEMINACIJU STATISTIČKIH PODATAKA O BIH

National Summary Data Page (NSDP)-Bosnia and Herzegovina

Data linked from this page correspond to data described in the International Monetary Fund's DSBB. For a fuller explanation of the DSBB and the enhanced General Data Dissemination System in which Bosnia and Herzegovina participates, please visit the [DSBB home page](#). Advance Release Calendar for NSDP related data can be found [here](#).

Macroeconomic and Financial Data	sdmx Statistical Data and Metadata Exchange		
National Accounts (GDP)	Browse Data	Download in SDMX	DSBB Metadata
Consumer Price Index	Browse Data	Download in SDMX	DSBB Metadata
General Government Operations	Browse Data	Download in SDMX	DSBB Metadata
Central Government Operations	Browse Data	Download in SDMX	DSBB Metadata
Central Government Gross Debt	Browse Data	Download in SDMX	
Depository Corporations Survey	Browse Data	Download in SDMX	DSBB Metadata

Centralna banka Bosne i Hercegovine (CBBiH) je na svojoj web stranici uspostavila NSDP stranicu (National Summary Data Page) za unaprijeđenu diseminaciju statističkih podataka o BiH.

CBBiH, Agencija za statistiku BiH i druge institucije su proteklih dva mjeseca zajednički radili na pripremanju ove stranice, koja će biti korištena za redovno publikovanje podatka. Publikovanje

putem standardizovane NSDP stranice omogućće domaćim i stranim korisnicima, uključujući investitore i rejting agencije, lakši i unaprijeđeni pristup makroekonomskim podacima. Uz poštivanje Kalendara objavljivanja, korisnicima će istovremeno donijeti pravovremen pristup i povećanu transparentnost.

NSDP je standardizovana stranica objavljivanja podataka u okviru međunarodne inicijative za unaprijeđeni Opšti sistem za diseminaciju podataka (Enhanced General Data Dissemination System), koji se provodi od 2015. godine, a Bosna i Hercegovina je spadala u mali broj zemalja u Evropi koje nisu posjedovale ovu stranicu. Sličnu stranicu posjeduju sve druge zemlje, a cilj je da se na jednom mjestu daju linkovi na sve ključne makroekonomske i društvene statistike. Dodatna vrijednost je mogućnost preuzimanja (download) podataka u posebnom SDMX formatu, koji omogućava direktno učitavanje podataka u kompjuterske sisteme te se uz podatke takođe daje pristup i odgovarajućim metapodacima (pojašnjenje o podacima).

Tehnička misija Međunarodnog monetarnog fonda (MMF) boravila je krajem aprila 2018. godine u BiH te je domaćim institucijama pružila potrebnu obuku i pomogla da budu napravljene potrebne tehničke pripreme i izvršena konverzija podataka.

IZVJEŠTAJ O REVIZIJI RAČUNA ZA SERVISIRANJE VANJSKOG DUGA

Revizorski tim Kancelarije za reviziju institucija BiH izvršio je reviziju računa za servisiranje vanjskog duga Bosne i Hercegovine za 2017. godinu.

Prema dostavljenom izvještaju, Centralna banka Bosne i Hercegovine(CBBiH) je u svim materijalnoznačajnim aspektima postupala u skladu s odredbama Ugovora o servisiranju vanjskog duga Bosne i Hercegovine s Ministarstvom finansija i trezora BiH.

Revizija je izvršena u skladu s Međunarodnim standardima vrhovnih revizorskih institucija (ISSAI).

U izvještaju nije bilo primjedbi na uspostavljeni sistem internih kontrola i procedure u Odjeljenju za servisiranje vanjskog duga CBBiH.

Rukovodstvo CBBiH odgovorno je za poštivanje Ugovora o servisiranju vanjskog duga u dijelu koji se odnosi na: a)

otvaranje/ zatvaranje računa za servisiranje vanjskog duga i njihovih podračuna; b) prijem i obradu uplata za servisiranje vanjskog duga; c) prijem, obradu i izvršenje naloga/instrukcija za servisiranje vanjskog duga; d) knjigovodstveno evidentiranje i izvještavanje; e) ostale poslove koji se mogu javiti u cilju blagovremenog servisiranja vanjskog duga, a uz prethodnu saglasnost ugovornih strana. CBBiH osigurava izvještaje o izvršenim promjenama i stanju na računima za servisiranje vanjskog duga, a računovodstveni i finansijski izvještajni sistemi računa za servisiranje vanjskog duga će pratiti međunarodne računovodstvene standarde.

Takođe, CBBiH je odgovorna za uspostavljanje sistema internih kontrola i kreiranje internih procedura za servisiranje vanjskog duga kako bi bilo osigurano djelovanje u skladu s namjenom računa za servisiranje vanjskog duga i spriječena zloupotreba i neovlašteno korištenje sredstava s navedenih računa.



GUVERNER CBBIH SASTAO SE S NAJVIŠIM RUKOVODSTVOM UNICREDIT GROUP IZ MILANA



Guverner Centralne banke Bosne i Hercegovine (CBBiH) dr. Senad Softić primio je 27.7.2018. godine u posjetu najviše predstavnike međunarodne bankarske grupacije UniCredit Group iz Milana.

Delegaciju su predvodili izvršni direktor UniCredita Jean Pierre Mustiera te direktor Odjela Centralne i Istočne Evrope Carlo Vivaldi.

Uz njih, delegaciju UniCredit Group su još činili predsjednik Uprave UniCredit Bank d.d. Mostar Dalibor Ćubela, predsjednik Uprave UniCredit Bank a.d. Banja Luka Gordan Pehar te

direktorica marketinga i komunikacija UniCredit Bank d.d. Mostar Selma Riđanović Kenović.

Ovo je, inače, prva posjeta Bosni i Hercegovini izvršnog direktora UniCredit Group. Na sastanku je bilo riječi o makroekonomskim pokazateljima, monetarnoj i finansijskoj stabilnosti te usklađenosti finansijske i bankarske regulative s regulatornim modelima i praksama. Tokom sastanka, guverner CBBiH je istakao da su zakoni o bankama u oba bh. entiteta usvojeni prije nešto više od godinu dana i da su u najvećoj mogućoj mjeri usaglašeni s EU direktivama i Bazelskim principima. Trenutne aktivnosti su usmjerene na razvoj strategije za implementaciju Bazela III.

Guverner Softić je ukazao na činjenicu da model valutnog odbora i dalje predstavlja najprikladnije rješenje za BiH koje daje osnovu za integraciju ekonomskog prostora u monetarnoj sferi i ostvarivanje makroekonomске stabilnosti. Od uvođenja valutnog odbora do danas zabilježena su kontinuirana pozitivna kretanja svih bitnih makroekonomskih pokazatelja i pokazatelja koji se odnose na bankarski sektor u BiH.

„CBBiH je u potpunosti izvršila jednu od svojih osnovnih funkcija – postigla je i očuvala stabilnost domaće valute, dok je vanjska stabilnost osigurana uspješnim održavanjem fiksног deviznog kursa i redovnim servisiranjem vanjskog duga BiH koji CBBiH obavlja u funkciji fiskalnog agenta države“, rekao je guverner Softić.

CBBIH OBJAVILA STATISTIKU DIREKTNIH STRANIH INVESTICIJA ZA 2017. GODINU

Centralna banka Bosne i Hercegovine (CBBiH) objavila je statistiku direktnih stranih investicija za 2017. godinu, koja pokazuje da je priliv direktnih stranih investicija u 2017. godini iznosio 777,7 miliona KM, odnosno 2,5% BDP-a, te je veći za 213,6 miliona KM u odnosu na 2016. godinu.

U pogledu geografskog rasporeda, najviše priliva investicija u 2017. bilo je iz Austrije (186,8 miliona KM), Hrvatske (102,0 miliona KM), Slovenije (101,7 miliona KM), Švajcarske (58,7 miliona KM) te Srbije (53,9 miliona KM).

Posmatrano po djelatnostima, najviše investicija je realizovano u oblasti finansijskih uslužnih djelatnosti (bankarski sektor) u iznosu od 261,2 miliona KM, u oblasti trgovine na malo u iznosu od 110,2 miliona KM, zatim 64,2 miliona KM u oblasti proizvodnje i snabdijevanja električnom energijom te 50,7 miliona KM u oblasti proizvodnje baznih metala, i u proizvodnji motornih vozila 46,5 miliona KM. U ukupan rezultat ulaze i odlivi investicija, pri čemu je najveći odliv u oblasti proizvodnje pića u iznosu od 35,6 miliona KM.

Na kraju 2017. godine, stanje direktnih stranih investicija je iznosilo 13,45 milijardi KM, od čega se najveći dio od 66,1% odnosi na vlasničke udjele. Najveći iznos stanja direktnih investicija se i dalje odnosi na Austriju (2,6 milijardi KM), Hrvatsku (2,3 milijarde KM) i Srbiju (2,0 milijardi KM).

Kada je riječ o izlaznim stranim direktnim investicijama iz Bosne i Hercegovine u inostranstvo, u 2017. godini tokovi



investiranja u inostranstvo iznosili su 132,0 miliona KM. Iznos investicija u inostranstvo u 2017. godini veći je za 70,3 miliona KM u odnosu na 2016. godinu kada su izlazne investicije zabilježile iznos od 61,7 miliona KM. Kao posljedica investiranja u proteklim godinama, ukupno stanje domaćih investicija u inostranstvu iznosi 872,8 miliona KM.

U skladu s politikom revizije i na osnovu dodatnih podataka, s objavljivanjem podataka za 2017. godinu izvršene su revizije i za dvije prethodne godine.

